

Projeitu Sentru Komunidade Fatuhada



Iha 18 de Maiu, Embaixador Hans Klemm hamutuk ho enjeneira Forsa Naval Estadus Unidus, nebe ema bolu ho naran “Seabees” partisipa iha seremonia primeira pedra ba sentru komunidade foun iha Fatuhada. Projeitu ne sai hanesan projeitu premeiru ba detasementu Seabees foun nebe foin to iha Timor Leste iha semana rua kotuk liu ba hodi troka detasementu uluk nebe lidera husi Letenan Doug Herrin.

Detasementu foun ne, lidera husi Letenan Jon Angle, nebe kompustu husi Seabees ema nain 25 nebe servisu hamutuk ho enjeneria Timor Leste iha forsa F-FDTL, Programa Kooperasaun Defeza Australia no Forса Estabilidade Internasional.

Sentru komunidade foun ne tuir planu mak sei kompletu iha dia 25 de Junu tamba sei iha exersisiu treinamenetu militariu multilateral iha semana hirak nia laran, nebe F-FDTL mak sei sai hanesan uma nain ba exersisiu nebe sei halo iha fulan Junu. Chefe suku Fatuhada, Marcelino Soares hodi naran komunidade, hato agradese barak ba suporta nebe Embaixada Estadus Unidus fornese no enjeneria sira nebe partipasa iha projeitu hari’i sentru komunidade foun iha sira nia suku.